

EW NAMOPUNG

A awora ukukun \$23,000 seni ewe Monienapen ewe Legislature-un Chuuk ren fan asegesin monien municipal projects non Tol, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$23,000, ika fite ukukun mei namot ren an epwe tongeni naaf seni ewe Monienapen ewe Legislature-un Chuuk ren fan asengesin monien municipal projects non Tol, iei mei tettenitiw fan:

- \$ 2,500 . . . . . Piris non Munien, Tol
- 2,500 . . . . . Forun konik non Wonip
- 3,000 . . . . . Soposopun forun oror non Foup
- 5,000 . . . . . Forun ew utten mwiich non Chukienu
- 10,000 . . . . . Pekin atake non Tol Municipality

Tetten 2.

(a) Ei ukukun moni mei kawor non Tetten 1 epwe einet ika nongeni Directorun Public Affairs, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non Spetember 30, 1982, epwe niwin sefaan ngeni ewe Monienapen ewe Legislature-un Chuuk.


(b) Ewe Directorun Putaen Public Affairs epwap tongeni chok atou moni ika pwe a tori planin me popunapen nounoun ewe moni me ren ewe Samon non ewe muun fonu, ika ioon a kefinita an epwe wisen fori fan iten ewe Samon.


Tetten 3. Ewe Director non Public Affairs epwe awora an repot won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nounoun ewe moni fongon me ukukun nussun mei chiwen wor non April 1, 1982; pwan

(2) met sakkun atoot ika anapanap ren ewe nussun moni eserwa nounou tori non April 1, 1982, an epwe nounou non met ukukun nussun ewe Fiscal Year nge och sopolopun repot epwe pwan kawor nefinen 20 ran me murin soponon ewe Fiscal Year, ngeni ewe Legislature ika ew committee mei finita, epwe affatatiw napanapen nounoun me mwokutukutun ewe moni.

Tetten 4. Ei Namopung epwe poputa pochokunan non October 1, 1981, murin an kapunguno me ren ewe Kepina, ika pusin winiti annuk, nge esemwo kapunguno.

Sain seni:   
 Tadashi C. Wainit, Speaker  
 Truk Legislature

Annetata:   
 Datasi Albert  
 Legislative Clerk/Secretary  
 Truk Legislature

Pwinin maram: July 9, 1981

Kapunguno seni:   
 Ehart Aten, Governor  
 Truk State Government

Pwinin maram: July 15, 1981